



Inatsisartunut ilaasortaq Mala Høy Kuko, Siumut

Ugguuna nassiussaq: [inatsisartut@inatsisartut.gl](mailto:inatsisartut@inatsisartut.gl)

**Amernik tunisinermi anguniagassanut tunngasunut § 37 naapertorlugu  
apeqqummut akissut**

15-01-2018  
Sagsnr. 2018 - 1116

Inatsisartut suleriaasiat § 37 naapertorlugu Naalakkersuisut Tasiilami tunisinermit sunik anguniagaqarnerat pillugu Naalakkersuisunut apeqquteqarsimavutit. Apeqqutitit uannut akisassanngortinneqarput, taakkulu ataani takusinnaavatit.

Postboks 1601  
3900 Nuuk  
Tlf. (+299) 34 50 00  
E-mail: [isiin@nanoq.gl](mailto:isiin@nanoq.gl)  
[www.naalakkersuisut.gl](http://www.naalakkersuisut.gl)

Aallarniutigalugu Naalakkersuisutut suliassaqarfigisanniittumut Naalakkersuisut aamma Great Greenlandip akornanni kiffartuussinissamik isumaqatigiisummut attuumassuteqartuusutut apeqqutitit isigigikka ilisimatitsissutiginiarpara.

**Apeqqut 1:  
Tasiilami ammerivimmik tunisarneq pillugu Naalakkersuisut qanoq  
pilersaaruteqarpat?**

**Akissut:**

Great Greenland A/S imatut ilisimatitsivoq:

”

Ullumikkut Tasiilami tunisisoqartareerpoq. Tunisineq Great Greenland A/S-ip tunisinermutt ingerlatsiviani, aamma Tunup sinnerani tunitsivinnit amernik tigooraasartumit ingerlanneqarpoq. Tunisineq ukioq kaajallallugu ammavoq, ingerlatsivimmilu aalajangersimasumik tunisinermit ingerlatsisunik marlunnik atorfeqartoqarpoq.

”

**Apeqqu 2:****Tasiilami amminik tunisisarnermut isumaqatigiissut qanoq imaqarpa?****Akissut:**

Great Greenland A/S imatut ilisimatitsivoq:

”

Qulaani oqaatigineqartut Tasiilami Great Greenland A/S-imut toqqaannartumik attaveqartumik tunitsivittut ingerlatsivik ingerlanneqarpoq. Tunitsivittut ingerlatsivimmi puisit aataat natsillu amii tigooraneqarput. Great Greenland A/S aamma Naalackersuisut akornanni kiffartuussinissamik isumaqatigiissut naapertorlugu taamaallaat piniartut atuuttumik inuussutissarsiutigisatut piniartut uppersaateqartut tunisisinnaapput. Tunisinermut akit ukiut tamaasa KNAPK-p aamma Great Greenland A/S-ip akornanni isumaqatigiissummi aalajangerneqartarput.

”

**Apeqqu 3:****Isumaqatigiissut nutarterneqarnikuuva? Kommuunilu suleqatigiinniartoqarpa?****Akissut:**

2017-imut Naalackersuisut aamma Great Greenland A/S-ip akornanni kiffartuussinissamut isumaqatigiissut ukiumut ataatsimut atuuttussaasimavoq, taamatullu 2018-imut aamma tamanna atuutissaaq. Inuussutissarsiornermut suliffeqarnermullu tunngasunik ataavartumik kommuunilu suleqatigiittoqarpoq.

**Apeqqu 4:****Nalilersuisoqartarpa suleqatigiittoqarsimappat?****Akissut:**

Naalackersuisut Great Greenland A/S-ilu qanimut suleqateqarput, ilaatigut qaammatikkaartumik ataatsimiinnernik ilaqartunik.

**Apeqqu 5:****Aningaasat qanoq annertutigisut immikkoortinneqartarpat?****Akissut:**

Tasiilami tunitsivittut ingerlatsivimmik ingerlataqarneq Great Greenland A/S-ip missingersuutaanut ilaavoq. 2017-imi tunisinermut ingerlatsinermullu aningaasat DKK 26,7 mio.-iupput.

**Apeqquut 6:**

**Aningaasat immikkoortinneqartut sunik aningaasartuutissanik matussusiissappat - Biilinut?**

**Akissut:**

Great Greenland A/S imatut ilisimatitsivoq:

”

Assartuinnermut aningaasanik immikkoortitaapput, biilinuunngitsoq.

”

**Apeqquut 7:**

**Assartuinissamut amminik atortuutinillu? Aputaajaanissamik ukiukkut?**

**Akissut:**

Great Greenland A/S imatut ilisimatitsivoq:

”

Taakku tamarmik Tasiilami tunitsivittut ingerlatsiviup ingerlanneranut Great Greenland A/S-ip missingersuusiaani ilaapput.

”

**Apeqquut 8:**

**Amminut qapiarpinnut nunarterisoqarnissaanut Naalakkersuisuniit qanoq pilersaaruteqartoqarpa?**

**Akissut:**

Great Greenland A/S imatut ilisimatitsivoq:

”

Maskiinat taarsersornissaat pillugit pilersaaruteqartoqanngilaq, pioreersut siunertaq malillugu atuunneri pissutigalugit.

”

**Apeqquut 9:**


**Ammit tunisat qanoq appariartiginikuuppat tunumi ukiuni kingullerni?**

**Akissut:**

Great Greenland A/S imatut ilisimatitsivoq:

”

Tunumi tunisineq Kalaallit Nunaata sinnerani tunisineq malippaa. Taamaalilluni ukiuni kingulliunerusuni appariarsimavoq, nunalli sinneratulli illuni. Aamma Tunumi tunisinerup qanoq ingerlasimaneranut titartagartaliussaqa takuuk.



**Apequt 10:**

**Ammit maangaannaq eqqarneqartarnerat Naalakkersuisut arlaatigut aaqqiiffiniarlugu pilersaaruteqarnerpat?**

**Akissut:**

Naalakkersuisut amernik tamakkiisumik atuinissamik siunertaqarput.

**Apequt 11:**

**Amminut qapiarfik aaqqinneqarsinnaangippat ulluni qaninnerni orsuaasussanik immikkut pilersitsisoqarniarpa?**

**Akissut:**

Great Greenland A/S imatut ilisimatitsivoq:

”

KNAPK-lu tunisinissamik isumaqatigiissut malillugu piniartut tamarmik amernik tamakkiisumik orsuiarlugit qapiakkanik tunisisartussaapput. Sumiiffinni ataasiakkaani – soorlu Tasiilami – kiffartuussissutitut qapiarfinnik maskiinanik peqarpoq. Qapiarfittut maskiinat atorveqartinnagit/atunngikkaangata amernik qapiaasussanik inunnik atorfinitsitsisoqarneq ajorpoq, tunisinissamut isumaqatigiissut malillugu tamanna piniartut nammineerlutik akisussaaffigimmassuk. Tasiilami maskiina atorsinnaajunnaarsimavoq, nutaamillu tamakkiisumik atorsinnaasumik nassiussisoqarsimavoq. Maskiina nutaaq umiarsuarmut kingullermut ilaatillugu tikisinneqarpoq, atorveqalerlunilu.

”

Inussiarnersumik inuulluaqqusillunga

*H. Enoksen*  
Hans Enoksen